



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

Conversio S. Avgvstini. 5. Maii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

## CONVERSIO S. AVGVSTINI.

5. Maii.

**H**Oc die Monica lacrimæ AVGVSTINVM orbi secundum pepererunt; nam hoc Manichæorum erroribus se demum expedivit. Ad id plurimum, ut dixeramus, momenti mater attulit, quæ filium pessum euntem ex Africâ in Italiam usq; secuta lacrimis, pro ejus salute tantum non exoculavit sese. Monstravit certè parentibus, quàm parum sit filium mundo peperisse, nisi in spem cæli educetur. Iam duo illi ex Imperatoris aulâ, qui lectâ Magni Antonii vitâ, nuntium mundo remiserant, tantum apud AVGVSTINVM potuerunt, ut exclamaret: *quid hoc? quid audisti? surgunt indocti & calum rapiunt: & nos cum doctrinis nostris volutamur in carne & sanguine?* Sub hæc luctanti cum animo suo in conspectum se castitas dedit, ingenti omnium ordinum ætatum coronâ cincta, digitoque nunc senes aut viros, nunc pueros aut puellas signans, & tu, agebat, *non poteris quod isti aut ista?* mox è cælo etiâ vox istiusmodi allapsa: *tolle, lege,* Sustulit ille, legitque: *non in comestationibus & ebrietatibus, nō in cubilibus & impudicitis, nō in contentione & emulatione: sed induimini IESVM CHRISTVM.* Legit inquam hæc, & ex Manichæo Catholicus,

cus, ex Rhetore Ecclesie Doctor, ex mundi amatore summo summus contemptor evasit. At nos qui eadem & audimus & legimus, moras moris neglectimus, dicitque è caelo nobis ipse Divus, quæ sibi olim dicebat: *an quia precesserunt, pudet sequi? & non pudet nec saltem sequi?* Ex ipsius D. Aug. Confess.

S. ANGELVS CARMELITA,

5. Maii.

Rosam è spinis habe, ANGELVM, inquam, è parente utroque Iudæo Ierosolymis natum. Sed quid dico? ipsa hæ spinæ in rosas abierunt, cum Cali REGINA Magistræ his in fide se præbuit, geminamque illis prolem Ioannem Patriarcham, ANGELVMq; nostrum Martyrem est vaticinata. Ergo cum ad templum Christianorum se recepissent, ibique in sublimi hostiâ talem Christum, qualis olim à cruce pendebat, non dubiis jam oculis viderent, Christo geniti Ioannem primum, tum ANGELVM genuerunt. Hic altioris vitæ rudimenta in monte posuit Carmelo, qui & nomen illi dedit. Abhinc in seipsum primò, deinde in eremum descendit, ubi cum solum se crederet, adesse sibi vidit IESVM, multo maximo SS. agmine stipatum, & iubentem, victorias suas Alexandriam ferret, inde ad palmâ in Siciliam

con-